

書經

卷一

書經集傳序

慶元己未冬先生文公令沈作書集傳明年先生歿又十年始克成編總若干萬言嗚呼書豈易言哉二帝三王治天下之大經大法皆載此書而淺見薄識豈足以盡發蘊奧且生於數千載之下而欲講明於數千載之前亦已難矣然二帝三王之治本於道二帝三王之道本於心得其心則道與治固可得而言矣何者精一執中堯舜禹相授之心法也

建中建極商湯周武相傳之心法也曰德曰
仁曰敬曰誠言雖殊而理則一無非所以明
此心之妙也至於言天則嚴其心之所自出
言民則謹其心之所由施禮樂教化心之發
也典章文物心之著也家齊國治而天下平
心之推也心之德其盛矣乎二帝三王存此
心者也夏桀商受亡此心者也太甲成王困
而存此心者也存則治亡則亂治亂之分顧
其心之存不存如何耳後世人主有志於二

帝三王之治不可不求其道有志於二帝三
王之道不可不求其心求心之要舍是書何
以哉沈自受讀以來沈潛其義參考眾說融
會貫通迺敢折衷微辭奧旨多述舊聞二典
禹謨先生蓋嘗是正手澤尙新嗚呼惜哉先生
改本已附文集中其間亦有經承先生口授指畫而未及盡改者今悉更定見本篇集
傳本先生所命故凡引用師說不復識別四
代之書分爲六卷文以時異治以道同聖人
之心見於書猶化工之妙著於物非精深不

能識也是傳也於堯舜禹湯文武周公之心
雖未必能造其微於堯舜禹湯文武周公之
書因是訓詁亦可得其指意之大略矣嘉定
己巳三月旣望武夷蔡沈序

金陵譚慶華刻

宋
王
氏
九
州
圖



揚州屬地

卷二

流沙

弱水 縣 野豬

水黑 龜

系 龜

列 龜

龜 龜

安 龜

龜 龜

龜 龜

龜 龜

龜 龜

龜 龜

龜 龜

龜 龜

龜 龜

庚 和

紫 紫

梁 州

黑 水

書經篇目

卷一

第首禹貢全圖

卷二

高宗

第一卷

卷三

卷四

虞書

卷五

卷六

堯典

舜典

大禹謨

皋陶謨

益稷

卷七

第二卷

夏書

禹貢

甘誓

五子之歌

脩征

第三卷

商書

湯誓

仲虺之誥

湯誥

伊訓

太甲上

太甲中

太甲下

咸有一德

盤庚上

盤庚中

盤庚下

說命上

說命中

說命下

高宗彤日

西伯戡黎

微子

第四卷

周書

泰誓上

泰誓中

泰誓下

牧誓

武成

洪範

旅獒

金縢

大誥

微子之命

康誥

酒誥

梓材

第五卷

周書

召誥

洛誥

多士

無逸

君奭

蔡仲之命

多方

立政

第六卷

周書

周官

君陳

顧命

康王之誥

畢命

君牙

罔命

呂刑

文侯之命

費誓

秦誓

書經卷之一

蔡沈集傳

虞書

虞舜氏因以為有天下之號也書凡五篇堯典雖紀唐堯之事然本虞史

所作故曰虞書其舜典以下夏史所作當曰夏書春秋傳亦多引為夏書此云虞書或以為孔子所定也

刀音其

堯典

堯唐帝名說文曰典從冊在刀上尊閣之也此篇以簡冊載堯

之事故名曰堯典後世以其所載之事可為常法故又訓為常也今文古文皆有

放上聲
思去聲

曰若稽古帝堯曰放勳欽明文思安安允恭

克讓光被四表格于上下

曰粵越通古文作粵曰若者發語辭

見音現
強上聲

行去聲

周書越若來三月亦此例也稽考也史臣將
敘堯事故先言考古之帝堯者其德如下文
所云也曰者猶言其說如此也放至也猶孟
子言放乎四海是也勲功也言堯之功大而
無所不至也欽恭敬也明通明也敬體而明
用也文文章也意思也文著見而思深遠
也安安無所勉強也言其德性之美皆出於
自然而非勉強所謂性之者也允信克能不
常人德非性有物欲害之故有強為恭而不
實欲為讓而不能者惟堯性之是以信恭而
能讓也光顯被及表外格至上天下地也言
其德之盛如此故其所及之遠如此也蓋放
勲者總言堯之德業也欽明文思安安本其
德性而言也允恭克讓以其行實而言也至
於被四表格上下則放勲之所極也孔子曰
惟天為大惟堯則之故書敘帝王之德莫盛
於堯而其贊堯之德莫備於此且又首以欽
之一字為言此書中開卷第一義也讀者深

味而有得焉則一經之全體不外是矣其可忽哉

克明俊德以親九

族九族既睦平章百姓百姓昭明協和萬邦

黎民於變時雍於音烏。明明之也。俊大也。堯之大德。上文所稱是也。九

族高祖至玄孫之親舉近以該遠五服異姓

之親亦在其中也睦親而和也平均章明也

百姓畿內民庶也昭明皆能自明其德也萬

邦天下諸侯之國也黎黑也民首皆黑故曰

黎民於歎美辭變變惡為善也時是雍和也

放

此言堯推其德自身而家而國而天下所謂

放勳也乃命羲和欽若昊天曆象日月星辰敬

授人時吳下老反。乃者繼事之辭。羲氏和氏主曆象授時之官。若順也。吳廣大

之意曆所以紀數之書象所以觀天之器如下篇璣衡之屬是也日陽精一日而繞地一

周月陰精一月而與日一會星二十八宿
星爲經金木水火土五星爲緯皆是也辰以
日月所會分周天之度爲十二次也人時謂
耕穫之候凡民事早晚之所關也其說詳見
下文
分命義仲宅嵎夷曰暘谷寅賓出日平秩

東作日中星鳥以殷仲春厥民析鳥獸孳尾

嵎音隅孳音字○此下四節言曆既成而分
職以頒布且考驗之恐其推步之或差也或
曰上文所命蓋義伯和伯此乃分命其仲叔
未詳是否也宅居也嵎夷卽禹貢嵎夷既略
者也曰暘谷者取日出之義義仲所居官次
之名蓋官在國都而測候之所則在於嵎夷
東表之地也寅敬也賓禮接之如賓客也亦
帝嚳曆日月而迎送之意出日方出之日蓋
以春分之旦朝方出之日而識其初出之景
也平均秩序作起也東作春月歲功方興所

處上聲

長上聲

當作起之事也。蓋以曆之節氣早晚均次其先後之宜以授有司也。日中者春分之刻。於夏永冬短為適中也。晝夜皆五十刻。舉晝以見夜。故曰日星鳥南方朱鳥七宿。唐一行推以鶉火為春分昏之中星也。殷中也。春分陽之中也。析分散也。先時冬寒民聚於隩。至是則以民之散處而驗其氣之溫也。乳化曰孳。交接曰尾。以物之生育而驗其氣之和也。

申命羲叔宅南交平秩南訛敬致日永星火

以正仲夏厥民因鳥獸希革申重也南交南方交趾之地陳

氏曰南交下當有曰明都三字訛化也謂夏月時物長盛所當變化之事也。史記索隱作南為謂所當為之事也。敬致周禮所謂冬夏致日蓋以夏至之日中祠日而識其景如所謂日至之景尺有五寸謂之地中者也。永長也。日永晝六十刻也。星火東方蒼龍七宿火